

“Mino dzina rangu naifwa Pendo. Ni kilasi cha tsano. Nindamwambira ut’u niroshoma wakathi wa likizo.”





Wakathi wa likizo vivi ndo nireuza ts'awe mwenye dzitso mwenga, Nikiamba, “Ts'awe at'u were makanena na at'u kukirira ngira zani ho kapindi?”





Ts'awe akiamba, “Siswi were hukahumira ngira ya kupiga ngoma ili at’u madime kuthunganana kwa here mikutano.”








Kahi za siku zizo were hukahumira mosi. Mosi were ukaaonya at'u kuhusu majanga kahi za jamii.





Ts'awe akiamba kukala mara nyingine were hukahumira at'u. Na aa ahumwi were makauka malo sana ili makadime kwenda na kulazhe mioro.






Hurihofikira haha, namwamba ts'awe kukala  
namala nizhandhike zho anenazho. Nami  
nichenda hala kithabu changu.







Bada ya Ts'awe kunona nandhika kithabuni iye wafahirwa sana. Akiamba hukindhika nikukala kinakala kwa muda mure.






Akiamba kukala were kuna maira fulani were  
gakaimbwa wakathi kala muhoho adzazhalwa  
ama kala at'u madzaguwa matsere manji.







Nirihomuza kuhusu maredio iye ts'awe waamba  
kukala wakathi uo maredio were ni machache  
sana.





Akiamba kukala ao were makenda kusanyana mudzini ha mut'u mwenye redio dziloni na kusikiza habari na vipindi vingine.






Ts'awe akiamba kizhazi kiki kina bahathi kwa kukala vivi kila mut'u ana simu. Kunena na mwandzio ni rahisi sana.







Namushukuru sana kwa mafundisho madzo.

Nikimwambira kukala nindakwendaambira

andzangu pia. Ni vidzo kushoma ut'u usha.

